

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
OPĆINSKI SUD U CAZINU
Broj: 020-0-SU-21-000204
Cazin, 22.04.2021. godine

Po ovlaštenju iz čl.31.stav 1. Zakona o sudovima u Federaciji Bosne i Hercegovine („Službene novine Federacije BiH“, br: 38/05, 22/06,63/10,7/13 I 52/14), a na osnovu čl.17. Zakona o javnim nabavkama BiH (“Službeni glasnik BiH”; broj: 39/14), predsjednik suda, dana 22.04.2021. godine, donosi

O D L U K U
o usvajanju Plana javnih nabavki za 2021.godinu

Član 1.
(Plan javne nabavke)

(1) Planom javnih nabavki Općinskog suda u Cazinu za 2021.godinu (u daljnjem tekstu: Plan javnih nabavki), Općinski sud u Cazinu utvrđuje potrebe za nabavku roba i usluga u kalendarskoj 2021.godini.

(2) Plan javnih nabavki obuhvata nabavku roba i usluga, te sadrži podatke o predmetu nabavke, jedinstvenom riječniku javne nabavke, procijenjenoj vrijednosti nabavke, vrstu postupka javne nabavke, okvirni termin za pokretanje - završetak nabavke i izvoru finansiranja.

Član 2.
(Izmjena Plana javnih nabavki)

(1) Plan javnih nabavki može se mijenjati i dopunjavati u toku budžetske godine.

(2) Općinski sud u Cazinu zadržava pravo da u slučaju opravdanih potreba u skladu sa Zakonom o javnim nabavkama - promjeni vrstu postupka, kao i procijenjene vrijednosti nabavke na osnovu obrazloženja zasnovanog na ekonomskim ili drugim pokazateljima – kao što su značajne promjene u cijeni u odnosu na cijenu u vrijeme procjene vrijednosti, povećanja ili smanjenja količina u skladu sa izmjenjenim okolnostima.

Član 3.
(Odluka o pokretanju postupka javnih nabavki)

Za sve nabavke predviđene Planom javnih nabavki, obavezno je donošenje Odluke o pokretanju postupka nabavke u formi i sadržaju propisanom članom 18. Zakona o javnim nabavkama.

Član 4.

(Provođenje postupka)

Nabavke utvrđene Planom javnih nabavki provodit će se u skladu sa Zakonom o Javnim nabavkama i podzakonskim propisima.

Član 5.

(Sadržaj odluke)

Sastavni dio ove Odluke čini Plan javnih nabavki Općinskog suda u Cazinu za 2021. godinu.

Član 6.

(Stupanje na snagu)

Ova Odluka stupa na snagu danom donošenja i objavit će se na Web stranici Općinskog suda u Cazinu, <http://opsud-cazin.pravosudje.ba/>.



Predsjednik suda
Erol Husić